

De rebus Tegeatarum

W. Koner



V I R O

SUMME VENERANDO

FRID. DE SCHILDEN EXC.

ORDINIS AQUILAE NIGRAE ET AQUILAE RUBRAE IN
CLASSE I. ET ORD. GUELPHORUM ET ORDINIS ST. AN-
DREAE CET. CET. EQUITI

1897

NEC NON

V I R O

D O C T I S S I M O

THEODORO PANOFKA,

PHILOS. DR. ET ART. LIB. MAG. INSTITUTI ARCHAOL.
ROMANI. SECR. ACADEMIAE. SCIENT. REG. BORUSSICAE
SOCIO ORD.

PRAECEPTORI DILECTISSIMO

HUNC LIBELLUM

PIÙ GRATOQUE ANIMO

ANTONIO P. B. C. R. N. A.

IOHANNES B. C. R. N. A.

ANTONIO P. B. C. R. N. A.

D. D. D.

AUCTOR.

DE REBUS TEGEATARUM.

CAP. I.

§. I.

TEGEATIDIS DESCRIPTIO.

Priusquam illam Arcadiae partem, in qua describenda dissertatio mea versatur, illustrare aggrediar, quibus auxiliis geographicis in agri finibus determinandis usus sim, paucis exponam necesse est. Ad vetustiores tabulas geographicas quod attinet, quis est, qui, quam exigua subtilitate rerumque investigatione compositae sint, non perspexerit? cujus quidem rei causa in gravissima illa fortunae iniquitate, quae nonnisi ante hos viginti annos et recentissima demum Graecorum seditione denuo, ut ita dicam, Graeciae naturam detegi et agnosci voluit, quaerenda erit. Novo enim Graecorum imperio constituto, multae illius terrae divitiae, quas usque ad id tempus tantum in veterum scriptis reconditas cognoveramus, reclusae sunt. Praecipue Arcadia, quum nulla ex parte mari adiaceat, recentiore usque ad memoriam subtiliori investigatione carebat; maritima enim Graecia sola locupletioribus gaudebat descriptionibus.

Neque id mirum; namque illae civitates, quum maria non attingerent, nautaeque propter pericula interiora longius adire nollent, et fugiebant oculorum aciem et prorsus latebant hominum curiositatem. Subtilitas igitur, qua Francogalli in Graeciae finibus delineandis nostris temporibus usi sunt, permagni aestimanda est tabulamque geographicam «rédigée et gravée au dépôt général de la guerre sous la direction de Mr. le Général Pelet,» ut praecipuas illas Helladis tabulas a Kiepert nostro ante hos duodecim menses editas transeam, in mea Tegeatidis Mantinicesque tabula componenda secutus sum, qua duce sperabam, fore ut in majores non inciderem errores. Praeterea et recentiora itineraria «Voyage dans la Grèce par Pouqueville, Tour by Dodwell, Travels in the Moréa by W. M. Leake, Reisen im Peloponnes von L. Ross et veteres scriptores Thucydides, Xenophon, Diodorus, Strabo, multi alii, et prae ceteris imprimis Pausanias, fons antiquitatum Graecarum indagatori uberrimus magnae mihi fuerunt utilitati.

1) Arcadiae regiones euronotum spectantes, quae a Tegeatis et Mantinensibus tenebantur, Tegeatidis et Mantinices nominibus appellabantur (1), neque hanc planitiem, quae undique altissimis contineatur montibus, nisi arctissimis angustis pertentatis, attingere possis. Parthenius mons (hodie Barberia, mons 3390 pedum) ad orientem vergens Tegeatarum agrum ab Argolide et Thyreatide dividit (2). A parte septentrionali Tegeatis

(1) Xenoph. Hell. 6, 5, 15. Thucyd. 5, 65. m. a. l. Tegeatis et Mantinice provinciae Tripolitanae hodie adscribuntur. cf. Pouqueville voy. dans la Grèce. T. III. p. 494.

(2) Paus. 8, 6, 2, 8, 54, 4. Strabo 8, 8. Plin. h. n. 4, 10.

ad planitiem, quam Mantinenses incolebant, spectat, ibique ara rotunda utriusque agri erat terminus (1). Occidentem versus mons altissimus, cuius tamen nomen apud veteres scriptores non invenimus, Boreum mons (Davria), inter utrumque agger quidam polygoneis e lapidibus congestus, qui *χωμα* dicitur (2), agrum Tegeaticum a Pallantiensibus et Megalopolitanis dirimit. Choma vero illud, cuius substructiones lapideae adhuc exstant, per illius regionis paludes (hodie Taka), subterraneo Alpei fluminis cursu (*κατάβοθροι*) ortas, quum ad fines distinguendos, tum ad aquas, hieme crescentes, avertendas, ne Manthuriensium agris obnoxiae essent, fuisse congestum videtur (3). Invi saltus et Alpheus flumen meridiem versus Tegeatidem cingebant et ab repentinis Lacedaemoniorum incursionibus tuebantur; neque tamen, quum Caryates, ut infra demonstrabimus, et in Lacedaemoniorum et in Tegeatarum potestate ac ditione fuerint, hac in parte Tegeatidis fines accurate constitui possunt.

Fluminum, quae Tegeatidem irrigant, praestantissimus est Alpheus, qui multorum Arcadicorum fluminum more undas sub terra modo condit, modo rursus in lucem profert. Legimus enim apud Pausaniam (4), Al-

(1) Paus. 8, 11, 1. Ross *Reisen im Pelop.* p. 123.

(2) Paus. 8, 44, 6. Ross. p. 69. sq.

(3) Similia chomata cf. Paus. 8, 23, 2. ἐν δὲ τῷ πεδίῳ τῷ Καρυῶν πεποιήται τῆς γῆς χῶμα, δι' οὗ ἀπείργεται τὸ ὕδωρ τὸ ἐκ τῆς Ὀρχομενίας μὴ εἶναι Καρυέων βλάβος τῇ ἐνέργῳ. — Paus. 9, 32, 2. τὸ δὲ πεδίον τὸ μεταξὺ τῶν ὀρῶν ἐκώλυεν οὐδὲν λίμνην ὑπὸ πλῆθους εἶναι τοῦ ὕδατος, εἰ μὴ διὰ μέσου χῶμά σφισιν ἐπεποιήτο ἰσχυρόν.

(4) Paus. 8, 54, 1, sq. 8, 44, 3. cf. Fest. Avien. v. 570—73.

pheum haud procul a Caryis profluere, multisque fontibus ad Phylacen auctum, quare loco illi nomen Σύμβολα fuerit, ad septentrionem vergentem saltus perfringere, tum in agro Tegeatico infra terram sese mergere, quo loco paludem, hodie Taka vocatam, invenimus, et ad Aseam (1) erumpentem, undas suas Eurotae permiscere, amboque flumina ad stadia prope viginti uno eodemque alveo fluentia cuniculo absorberi (quam regionem Franko-Vrysi hodie nominamus), Eurotam vero in Laconica, Alpheum in Megalopolitanorum finibus loco, qui Πηγαί ab Arcadibus dicatur, rursus emergere. Strabo (2) quidem, quod de Alpei cursu rettulimus παράδοξον esse suspicatur; Pausaniae tamen verbis, quod hic rem ipsam indagasse, ille autem, ut e verbo εἴρηται concludi debet, relata tantum rettulisse videatur, magis confidendum esse censeo. Nostra aetate fluminis cursus prorsus est mutatus, neque ego ob diversissimas doctissimorum virorum Pouquevillii, Dodwellii, Leakii opiniones verum referre possum. Pouquevillius in itineraio, Alpheum (hodie Orphia vel Rouphia) in Boreo monte (Davria) haud procul a Boreae ara (Kephalo-Vrysi) in agro Pallantiensium oriri, illum autem saltus Tegeatidis meridionales perfringentem amnem [Saranto-Potamo (3)] non eundem atque Alpheum esse censet (4). E. Par-

Priscian. v. 409. Dionys. in geogr. minor. ed. Gaisford T. IV. p. 75. Strabo 8, 8.

(1) Ross, p. 60. Gell. itin. of the Moréa p. 139.

(2) Strabo l. c.

(3) Saranto vel Saranda-Potamo i. e. quadraginta amnes cf. Gell. itin. p. 97.

(4) Pouqueville voy. T. IV. p. 268. 319.

thenii montis radicibus Alpheum profluere Dodwellius nobis est testis (1), opinio quae ab ea, quam Leakeius, etsi sit ambigua, Alpheo eodem atque Gareati anni esse fontes, attulit (2), haud valde videtur dissentire. Gareates enim ille (3) in Parthenii montis radicibus ortus (4), regiones Tegeatidis orientales irrigat et a Katavothris ad vicum Pezova absorbetur (5). Rossii autem disquisitiones proxime ad veritatem accedere videntur; refert enim (6), Saranto-Potamo amnem (Alpheum) ex incolarum narratione in paludem Taka quondam defluxisse, sed aquam ejus, quod hieme agros inundaret, a Turca quodam ante hos centum annos in Gareatem amnem ad vicum Magula derivatam esse. Exigui praeterea amnis nomine Lachas, cujus aqua a captivis Lacedaemoniis per agros ducta fertur, mentio fit apud Diniam (7). Septentrionales quoque agri Tegeatici partes, ubi Ophis amnis oritur (8), fontibus scaturisse videntur, Thucydidem (9)

(1) Dodwell Tour. Vol. II. p. 416.

(2) Leake trav. T. I. p. 121.

(3) Cum Sylburgio Gareates, ut vicus Gareates, neque cum Facio Garates legendum esse censeo.

(4) Paus. 8, 44, 3. — (5) Ross Reisen p. 72.

(6) Ross p. 70. sq.

(7) Frag. Diniae in grām. graec. ed. Dindorf. Herod. α. μον. λεξ. 8, 13. cf. c. IV. diss. de Perimeda. — Δάχας nomen, a verbo λάχαια i. e. εὐσκαφος καὶ εὐγείος παρὰ τὸ λαχαίνεσθαι, ὃ ἐστὶ σκάπτεσθαι πυκνῶς (Hesych. s. v. λάχαια) nihil aliud videtur significare, nisi rivos, ne multi illi Tegeatidis fontes, imbribus tumefacti planitiem inundarent, a Tegeatis effossos. Nostra quidem aetate, rivis obrutis, hi fontes tantam scabuli multitudinem solo obduxerunt, ut Tegeae ruinae totae scabulo obtectae sint. — O. Mueller. Dorer T. II, 44, 3. hunc amnem et lacum exiguum haud procul a Tegea eundem esse censet,

(8) Ross. p. 126. — (9) Thucyd. 5, 65.

si sequi velimus, qui Tegeatas, quotiens cum Mantinen-
sibus manus conseruerint, totiens has regiones ad fines
defendendos inundasse, auctor est.

Planitiem nostram fertilissimam quondam fuisse, ex
epithetis, quibus poëtae et Tegeam et Mantineam exor-
nabant, facile colligi potest; sic Tegea *εὐμηλος* (1), *εὐρύ-
χορος* (2), *καλὸν πεδίον* (3), et Mantinea *ἐρατεινή* (4) prac-
dicabatur (5).

Tegeatarum ager in novem dividebatur pagos, quos
antiquissimis jam temporibus in unam eandemque sedem,
Tegeam dico, contractos refert Pausanias, neque tamen,
quantum e nominum ordine, quo in pagis enumerandis
usus est (6), conjiciam, omnium pagorum situs videtur
novisse. Quam ob rem pagorum seriem, quam scriptor
ille persequitur, paullum permutare ausus sum. Cory-
thensium pagus inter septentrionem et orientem Tegea-
tidis situs, Parthenii montis radicibus adjacebat, quod
ex Cereris Corythensis templi positione (7) colligi potest.
Alterum pagum, qui Gareate amne irrigabatur, itemque
Parthenium montem attingebat Gareatae incolebant. Quin
tertius Phylacensium pagus euronotum versus ad Phyla-
cas circum Alpei fluminis fontes situs sit, nemo certe

(1) Simonid. epigr. 24. in Brunck. anal.

(2) Anytes epigr. 2. 25. cf. Paus. 8, 5, 2.

(3) Herod. 1, 66. — (4) Hom. II. 2. 607.

(5) Terram nunc esse sterilem aestateque fontibus carentem
narrat Pouqueville voy. T. V. p. 128.

(6) Paus. 8, 45. 1. Pausanias hunc exhibet ordinem: Γαρεά-
ται, Φυλακεῖς, Καρυάται, Κορυθαῖς, Πρωταχίδαι, Μενδυρεῖς,
Ἐλευθήδεις, Ἀφείδαντες. cf. Strabo 8, 3.

(7) De nomine Κορυθαῖς cf. c. II. diss. s. v. Ceres ἐν Κο-
ρυθαῖσιν.

dubitabit. Caryatarum pagus circa Caryas oppidum (1) [Palacokastron(2)] situs maximeque ad meridiem spectans, tum Tegeatarum, tum Lacedaemoniorum, prout huic vel illi civitati belli fortuna magis favebat, erat in potestate, quippe qui extra juga montium Tegeatidem cingentia jaceret, maximeque hostium incursionibus objectus esset, ita ut hac ex parte agri fines non possint accurate constitui: antiquissimis enim temporibus in Tegeatarum, in Lacedaemoniorum potestate altero bello Messeniaco fuisse Caryas demonstrabimus; Peloponnesiaco vero bello et Nabidis aetate rursus ad Arcadiam videtur pertinuisse; Pausanias autem et Stephanus Byzantinus Caryas Lacedaemoniorum oppidum appellant. Botachidarum (3) pagus haud facile constitui poterit, nisi eum inter Caryas et Manthuriensium pagum, qui solis occasum versus, agro Pallantiensi finitimus, quinquaginta stadia ab ipsa Tegeatarum urbe aberat et Pausaniae temporibus adhuc exstabat (4), velis ponere. Echeuethensium pagus videtur septentrionem versus situs esse.

Ipsam autem Tegeam urbem octavum pagum fuisse censeo, etsi sint, qui locum quendam apud Stephanum Byzantinum (5) quo Tegeatidis oppidulum *Οἶος* citatur, secuti, pro Tegeatico, pagum Oiatarum ponendum esse cen-

(1) Hesych. v. Κάρυα. Steph. Byz. v. Κάρυα et Κάροια.

(2) Ross. p. 176.

(3) Paus. l. c. Πωταχίδας; π in β mutandum esse censeo; Steph. enim Byz. haec habet: Πωταχίδαι, τόπος Ἀρκαδίας, ἀπὸ Πωτάχου Νικόλαος ἐ Ἰονκίτου δὲ τοῦ Δυκούργου Βώταχος ἀφ' οὗ ὁ τόπος Πωταχίδαι ἐν τῇ Τεγείᾳ ἐκλήθη.

(4) Paus. 8, 44, 6. cf. Steph. Byz. v. Μανδυεῖς. Vici ruinas vidit Ross. p. 62.

(5) Steph. Byz. s. v. Οἶος.

seant (1). Pausanias quidem octavum pagum silentio transiit, neque oppiduli illius, quamquam hanc regionem diligentissime descripserit, ne ruinas quidem novit; quod tamen silentium consequatur videtur necesse esse, quod Tegeam ipsam antiquissimis temporibus conditam esse tradant, itaque est quod omnium pagorum primum fuisse existimemus Tegeaticum. Ultimum Aphidantium demum, Aphidante regnante, accessisse accepimus, neque tamen de ejus situ e nomine conjicere possumus.

Quinque omnino viae nostrisque etiam diebus magnam partem tritae in finitimas Peloponnesi regiones e Tegeatide ducebant, quarum prima Mantinea per medium quercetum, cui nomen erat Pelago, Tegeam ferebat, in quo, ubi terminus erat inter Tegeatas et Mantinenses, aram rotundam videres (2). Orientem versus duabus viis, altera ex Argolide altera e Thyreatide in Tegeatidem proficiscebantur. Huic autem viae, quae Tegea Argos ferebat et antiquis temporibus vehiculis, quare *Τροχός* vocabatur (3), terebatur, neque tamen nostris diebus ad eandem rem apta habetur, Aesculapii aedes cum ejus signo adjacebat (4); praeterea Apollinis Py-

(1) F. W. Hoffmann, Griechenland u. d. Griechen im Alterthum. Leipz. 1841. II. p. 1176. Kortüm Hellen. Staatsverf. p. 135.

(2) Paus. 8, 11, 1. Angustiae inter Mantinensium et Tegeatarum fines, per quas iter ferebat, duplici muro munitae erant, quorum fragmenta et nostra aetate inveniuntur. Gell. p. 65. Dodwell Tour. Vol. II. p. 421. Expédition scientifique de Morée T. II. p. 84.

(3) Paus. 2, 24, 8.

(4) Paus. 8, 54, 4. sq. cf. 2, 24, 6. cf. 8, 6, 2. Pouqueville T. IV. p. 169. Hac via Antigonus agmine citato intra duos dies Tegea Argos profectus est.

thii templi ad laevam unum ferme stadium ab recta via remoti rudera vidit Pausanias. Secundum autem rectam viam Cereris ἐν Κορυθαῖσι aedes, condenso querceto circumdata, proximumque Bacchi Mystae erat fanum. Inde Parthenius mons se attollit, cujus in fastigio, ubi nutritum a cerva Telephum tradunt, ara heroi illi dedicata proximumque, quo loco e ficta Tegeatarum et Atheniensium narratione Philippidae nuncio ad Lacedaemonios de Persarum irruptione in Atticam misso, occurrisset Pana ferebant (1). Panis templum ostendebatur. Quam ob rem testudines, quibus saltus abundabat, etsi ad lyras compingendas essent accommodatissimae, capere sibi nefas esse putabant. Hoc fastigio relicto, via ad Hysias (2), qua fines inter Tegeatas et Argivos, in agrum Argivum descendebat et Creopolo (Ktenia) monte superato (3) recta Argos ferebat. Altera via (hodie adhuc trita vicosque Rhizés, Dovgliana, Magvla tangens) (4) in Thyreatidem Tegea ducebat, in qua Gareatem amnem transgressis Panis fanum juxtaque illud quercus, deo sacra, erant memorabiles (5). Nobilissima per saltus meridionalis angustias (6) (Karavathi) unusque Lacedaemoniorum in Tegeaticum agrum transitus, erat via illa, quae juxta Alphei (Saranto-Potamo) fluminis alveum Tegea Spartam ferebat, qua via ad laevam duo stadia ab urbis muris progredientibus Panis Jovisque Lycaci fana et novem ferme inde stadia Dianae Limmatidis ae-

(1) Paus. 8, 54, 4. cf. 1, 28, 4. — (2) Ross p. 147. sq.

(3) Strabo 8, 3. — 4) Pouqueville. T. IV, p. 173.

(5) Paus. 8, 54, 3.

(6) His in angustiiis et hodie munimentorum fragmenta inveniuntur.

des, in qua ex ebeno, operis Aeginetici, deae erat signum, exstabant (1). Aberant hinc stadia circiter decem Dianae Cnaceatidis et Aleï templa (2). Pallantium, quae ferebat, viae (3) aqua, cognomento Leuconia et Dianae templum (4) et ad viae dextram Cresius mons, cuius in fastigio Aphnei templum conspiciebatur adjacebant (5).

§. 2.

URBIS DESCRIPTIO. ARCHITECTURA.

Jam ad urbem ipsam accedamus. De urbis autem magnitudine ac praestantia non solum e nobilissimorum templorum domorumque publicarum a Pausania allato numero, sed etiam e ruinis, etsi fere funditus evanuerint, magnum per spatium disjectis colligi potest. In veteris urbis ruinis nunc duo vici, quos dicunt Piali et Palaeo-Episcopi. exstructi sunt. Hujus autem ecclesia in colle paullatim ad planitiem redeunte (Hagio Sosti), qui in septentrionali urbis parte quondam ascendebat, exstructa eminet. Saxa marmorea, egregio opere facta, columnarumque dorici, ionici, corinthiaci ordinis fragmenta, quinque pedibus interdum crassiora, Minervae

(1) Paus. 8, 53. 5.

(2) Sylburgii emendatio, Ἀλφειοῦ pro Ἀλεοῦ non necessaria esse mihi videtur.

(3) Paus. 8, 44, 6. — (4) Xenoph. Hell. 6, 5, 9.

(5) Equidem, Pausaniae verba sequens, in tabula mea Cresium montem magis septentrionem versus promovi, quam in Kiepti tabulis designatum video. Rossini p. 59. collem haud procul a vico Vunó Cresium fuisse censet. — Fontem Leuconiam vidit Rossius p. 59. prope vicum Kerasitza.

Aleae aedis fortasse quondam columina, dispersa sunt per planitiem, quibus saxis ac columnis quum omnes fere illius regionis puteos tum Tripolitzae aedem sacram exornarunt (1). Urbis vero circuitus florentissimis temporibus, quam quibus Pausanias eam adiit, major videtur fuisse, siquidem ipsis scriptoris verbis, quibus Orestis sepulcrum καθ' ἡμᾶς οὐκέτι πνυλῶν ἐντὸς (2) fuisse contendat, fidem habere licet. Quinque omnino portae, per quas in singulas, quas supra nominavimus, vias pervenires, quarum tamen solam Pallanteam nomine cognovimus (3), urbi videntur fuisse.

Tegea urbs in quatuor dividebatur tribus, quarum nomina, Clareotis, Hippothoitis, Apolloneatis, Athaneatis, ab agri sorte, quam Arcas liberis proposuerat suis simulque ab Hippothoo, Cercyonis filio, ducta, et apud Pausaniam (4) et in marmore Tegeae reperto (5) nobis

(1) Leake trav. I. 125. Pouqueville voy. T. V. p. 126—128. Gell. itin. p. 140. Dodwell Tour. Vol. II. p. 418. Expédition scientifique T. II. p. 83. Tripolitza quinquaginta circiter stadia a Tegeae ruinis abest.

(2) Paus. 8, 54, 3. — (3) Xenoph. Hell. 6, 5, 9.

(4) Paus. 8, 53, 3.

(5) Boeckh Corp. Inscr. 1513. cf. Paus. l. c. — Pausanias: Κλαρεῶτις, Ἰπποδοῦτις, Ἀπολλωνεάτις, Ἀθανεάτις. Corp. Inscr. l. c. marmor parietis ecclesiae episcopalis Palaeo-Episcopis insertum: Κλαρεῶται πολῖται. κρείστος enim vetustior pro κλάστος, sorte, forma; sic Ναυκρεῶροι. Ἰπποδοῦται πολῖται. Ἀπολλωνιαῖται πολῖται. ἐπ' Ἀθαναίαν πολῖται. Hac in tabula, eorum nomina, qui in honorem Jovis Clarii celebratis ludis victoriam reportarunt, tributum inscripta singulis tribubus et inquilinorum nomina addita sunt, unde intelligi potest, inquilinos, ob magnum eorum numerum quatuor tribubus adscriptos fuisse; qualis inquilinus et Rhegio exsul Miccythus (cf. infra de Miccytho) videtur fuisse. Singulis tribubus sacerdotes (ἱερεῖς in marmore dicti) praeerant, qui, prout haec

sunt conservata. A singulis tribubus Apollini Agyico quatuor, singula a singulis posita erant signa (1). Excelsior urbis pars, το χωριὸν τὸ ὑψηλόν (Hagio-Sosti) (2), in qua complures Tegeatis erant arae, et nunc ecclesia quaedam conspicitur (3), cui marmor illud, de quo supra

vel illa tribus eo anno praesidebat, nomen fortasse afferebant anno, ita ut quinto quoque anno una eademque tribus prima sederet. Quam ob rem vir doct. Boeckhius singulos hac in tabula annos ex repetitis sacerdotum nominibus, qui praesidentis tribus sacra faciebant, acutissime disjunxit. Ad tribuum vero nomina quod attinet, quis est, quin Pausaniae illud dictum, regiones tres ex Arcadis sortibus appellatas esse, fabulosum dicat? Equidem potius putem, Clariotarum, Appolloniatarum, Athanaïtarum regiones ab iis templis, quae cingerent, traxisse nomina; Jovis igitur Clarii accolae Clariotas, Apollinis Appolloniatas, Minervae Aleae Athaneatas nominatos fuisse, quam ad conjecturam mirifica illa inscriptionis forma, ἐκ' Ἀθαναΐαν πολῖται, pro quibus ἐκ' Ἀθαναΐας scil. οἱ πολῖται, potius legam, i. e. ad Minervae templum habitantes, adductus sum. Minervae autem Aleae cultum quum Tegeae antiquissimum fuisse sciamus, Athanaïtarum igitur tribus antiquissima, Hippothoïtarum vero fuisse novissima videtur. Cives autem illi, qui, novem pagis in unam urbem consociatis, veteris urbis civibus admiscebantur Κλαριῶται i. e. qui fundos ex impo-
sitis quibusdam legibus exercebant, aut Θεορσελάται (Theopomp. ap. Athen. 6, 27 cf. O. Mueller Dorier II. p. 69) nominabantur, Clarotarum in Creta insula simillimi, ubi Cydoniae, Gortyniae. Catrei conditores Tegeatae filios fuisse legimus. Paus. 8, 53, 2. Kortüm Hellen. Staatsverf. p. 135: Es ist wahrscheinlich, dass die Namen der Phylen von den göttlichen Vorstehern menschlicher Berufsarten entlehnt, ähnlich den Attischen Phylen, Handwerker, Priester Ackerleute und Krieger bezeichnen: Ἀθανεάτις = Ἀργαδεῖς = δαμιουργοί. Ἀπολλωνεάτις = Γελέοντες = ἱεροποιοί. Κλαριῶτις = Αἰγικορεῖς = γεωργοί. Ἰπποθοῖτις = Ὀαλήτις = φύλακες.

(1) Paus. 8, 63, 1. — (2) 8, 53, 4.

(3) Dodwell II. p. 418.

diximus, insertum est, Jovis Clarii dicebatur (1), ubi, quod marmor nos docet, festos dies quotannis celebrabant Tegeatae (2). Qui collis et antiquissima Tegeae pars et acropolis, munimentis circumdata, videtur fuisse (3), circum quem, novem pagis in unam urbem conjunctis, novi considebant cives. — Vetus templum Minervae Aleac, ab Aleo rege fortasse ex arborum truncis, ut pleraque vetustissima templa, exstructum, incendioque subito conflagratum (4), (Ol. 96, 2) a Scopa ita est instauratum (5), ut usque ad Pausaniae aetatem omnia totius Peloponnesi templa quum magnitudine tum ornamentis structuraeque commensu superaret (6). Triplici columnarum ordine aedes erat exornata, quarum primus extra templum, ionici operis ordo, alter ipso in fano collocatus cellamque cingens dorici, cui tertius corinthiaci impositus erat (7), mirifica sane ordinum structura, neque triplici illa columnarum compositione florentissimis architecturae temporibus, nisi hac in aede veteres

(1) De notatione, quae apud Pausaniam l. c. de Jovis Clarii nomine commemoratur cf. c. II, diss. de Jove Clario.

(2) Et si ludi, qui in marmore commemorantur, in μεγίστου καὶ κεραυνοβόλου Ζηνὸς honorem celebrati sint, hunc tamen Jovem et Jovem Clarium eosdem fuisse censeo, praesertim quum Tegeaticorum tantum victorum nomina allata sint, atque epitheton κεραυνοβόλος vi et natura cum Clario conjungi possit.

(3) Collis illius notio sit apud Polyæn. 1, 8. Polyb. 5, 17. Paus. 8, 48, 3 Φυλακτικῆς. cf. Dodwell. II. p. 420. Ross. p. 69.

(4) Paus. 8, 45, 3. — (5) 8, 45, 4.

(6) Paus. 9, 41, 5. Apollinis Epicurii templum Bassis omnium, quae in Peloponneso erant, excepto uno Tegeatico, longe praestantissimum laudatur.

(7) Hirt Gesch. d. Baukunst. T. II. p. 47 templorum generi, quod Hypaethrus dicitur, aedem nostram adnumerat.

usos fuisse memoria teneo (1). Medio fere in fastigio antico aprum Calydonium et altera ex parte novem, ex altera sex heroes feram urgentes, postico autem Telephi et Achillis in Caici campis certamen videres (2). In templi cella inter Hygieae et Aesculapii signa, a Scopas sculpta, Minervae Aleae totum ex ebore signum ab Endoeo elaboratum stabat (3), quod quidem perniciosissimas flammis, non autem rapaces Caesaris Augusti

(1) Ecclesia vici Piali eo loco exaedificata est, quo Minervae Aleae aedes quondam sita erat cf. Ross p. 67. Leake I. p. 90. 97. II. p. 47. Capitulum dorici ordinis effossum est a. 1834. Ross p. 73.

(2) Paus. 8. 45, 4. Una a parte Meleager, Atalanta, Theseus, Telamon, Peleus, Pollux, Jolaus, Prothous Cometesque Thestii filii, ab altera Epochus Ancaeam jam saucium securimque abijcientem sublevans, Castor, Amphiarus, Hippothous, Pirithous aprum urgebant, et, si quis disparem instantium heroum numerum miretur, commensum desideratum hac ratione restituere poterit, ut Meleagrum et Atalantam ipso in medio fastigio, aprum autem in Ancaeam sociosque irrumpentem elaboratos sibi fingat. Welcker Rhein. Mus. 1841. 1. d. Giebelfenster u. Metopen an d. Tempel zu Delphi p. 8. sq. Pausaniam trium virorum nomina aut negligentia aut nominum inscientia omisisse censet. Equidem vero auctorem nostrum interdum inscientiae, quam negligentiae criminari malim. Ovid. Met. 4, 440. Plexippum Toxeumque; Appollo. 1, 8, 2. Iphiclen, Euippum, Eurypylum, Plexippum Thestii filios nominat.

(3) Paus. 8, 46, 2. cf. Tiersch Epoch. d. gr. Kunst. p. 124. Alterum Minervae Aleae signum Scopas fecisse non videtur, neque e Pausaniae verbis id colligi potest, quam quidem sententiam Hirtius: Geschichte d. bildend. Künste et E. Gerhardus: Prodrom. mythol. Kunsterkl. p. 182 adspernantur. Si Scopas Minervae signum sculpsisset, cur Minervae Hippiae statua e Manthuriensium pago Tegeam, vetere Endoei opere ab Augusto ablato, deportanda fuit?

manus effugere potuit (1). E sedibus enim ablatum, tunc nova in patria victoris forum Romae exornabat. Postea e Manthuriensium vico Minervae Hippiac signum raptae deae loco Tegeam deportatum fuit, deae vero, Hippiac cognomine mox abjecto, Aleae ab omnibus Graecis tributum est nomen (2). In templo ipso lectus Minervae sacer (3) cum picta ejus imagine, et deae ara stabat (4), Melampodis, Amyntaonis filii, opus; cujus parieti antico Rheae et Oenoë, parvulum Jovem tenentium, parietibus lateralibus quaternarum utrinque nympharum, alteri Glaucos, Nedae, Thisoae, Anthraciae, alteri Idae, Hagnus, Alcinoë, Phrixae, parieti vero postico Mnemosynes Musarumque (5) insculpta erant simulacra. Minervae praeterea peplum, a Laodice, Agapenor's filia, Tegeam missum (6), Marpessae scutum, et compedes iliae, quibus vincti Lacedaemonii captivi in agro Tegeatico opera facere coacti sunt, ibidem suspensae erant (7). Caledonii quoque apri corium dentesque, quos Romam abstulit Augustus (8), et praesepe, post pugnam Plataeensem e Mardonii manubiis Minervae dicatum (9), ostendebantur. Fons prope quem ab Hercule Auge, Alei filia, stuprata ferebatur (10) et stadium, in quo ludos solemnes, qui Alaea et Hilotia dicebantur, edebant Tegea-

(1) Paus. 8, 46, 1. — (2) 8, 47, 1. — (3) 8, 47, 2.

(4) 8, 47, 2. cf. 8, 31. 2. —

(5) Vetus illa Musarum trias, quarum ipsa Mnemosyne tertia, in postico arae pariete fuisse exculpta videtur, ut figurarum numerus ei, quem in antico pariete vidimus, responderet. —

(6) Paus. 8, 5, 2. — (7) 8, 47, 2. — (8) 8, 46, 2.

(9) Herod. 9, 70. — (10) Haud procul a Piali vici ecclesia fons abest, ne aestate quidem siccus, quem eundem, quem supra commemoravimus, fontem fuisse opinatur Rossius p. 68.

tae (1), haud procul a Minervae Aleae templo conspiciiebantur. — Circumdabant vero forum, laterculo haud dissimile, unde Veneri, cujus aedes cum signo marmoreo ibidem eminebat, in Laterculo (*ἐν πλῆνθῳ*) enatum est cognomen (2): Jovis Telei templum cum dei signo Hermarum in modum facto, qua forma Arcades praecipue delectari videbantur (3), Ilithyiae *ἐν γόνασι* cum signo aedes, quo loco Augen, quum abduceretur, in genua procidisse Telephumque filium enixam esse tradebant (4), Telluris ara (5), juxta quam e candido lapide pilae duae, quarum alteri Polybii, alteri Elati statua imposita erat, erectae cernebantur (6). Ad haec eodem in foro pilae duae, quarum una quatuor Tegeatarum legistratorum, Antiphanis, Croesi, Pyronidis, Pyriae simulacra, altera Jasii, laeva equum detinentis, dextra palmarum ferentis, statuam sustinentes (7), nec non Tegeatae uxorisque Maerae sepulcra (8) et Martis Gynaecothoeni signum pilae insculptum (9) exstabant. Haud procul a foro theatrum eminebat (10), ante quod aenearum erant statuarum sedes, statuis ipsis Pausaniae aetate ablatis, unque tantum sedi incisa elegia Philopoemenis statuam ei impositam fuisse testabatur (11). Illud vidit Pausanias. Nescio tamen an hoc theatrum idem, quod Antiochus Epiphanes Tegeatis e marmore facere insti-

(1) Paus. 8, 47, 3. — (2) 8, 48, 1. — (3) 8, 48, 4.

(4) 8, 45, 5.

(5) 8, 45, 6. — (6) 1, c. — (7) 8, 48, 1.

(8) Paus. 8, 48, 4. — (9) 8, 48, 3.

(10) 8, 49, 1. Ecclesia episcopalis vici Palaeo-Episcopi in veteris theatri cavea exstructa est. Ross p. 68.

(11) Paus. 1, c. cf. 8, 52, 3.

tuisset (1), fuerit, nec ne. His, quae hucusque commemoravimus aedificiis addenda sunt deorum templa, ut Mercurii Aepyti (2), Minervae Poliatidis (3), Dianae Hegemonis (4), Veneris Paphiae (4), Cereris Coraeque Frugiferarum (6), Liberi Patris (7), Proserpinae (8), Apollinis cum inaurato simulacro, Chirisophi opere (9), cui Chirisophus ipse (10) e marmore appositus erat, Vestae denique aedes, quam communem Arcadum focum vocabant (11). Ibidem Herculis erat simulacrum, cujus in femore cicatricem e vulnere, quod in prima cum Hippocoontis filiis dimicatione acceperat, cernebatur (12). Alei quoque domum et Echemi sepulcrum pilaeque incisam Echemi cum Hyllo pugnam (13), et locupletissimum a Tegeatis Agathonis sumptibus exstructum balneum (*θαῦμα καὶ ἐσσομένοις*) (14) laudant veteres scriptores. *Δεσποτήριον* praeterea et *ἡ δημοσὶα οἶκλα* commemorantur a Xenophonte (15).

(1) Liv. 41, 25. — (2) Paus. 8, 47, 5.

(3) 8, 47, 4. — (4) l. c. — (5) 8, 53, 3.

(6) l. c. cf. Ross p. 68. sq. — (7) l. c.

(8) l. c. — (9) l. c.

(10) Thiersch Ep. d. gr. Kunst, p. 137. Boeckh, Corp. Inscr. p. 19. Panofka von e. Anzahl antik. Weihgeschenke p. 27.

(11) Paus. 8, 53, 3. — (12) l. c. — (13) 8, 53, 4.

(14) Brunck anal. epigr. adespot. 342.

(15) Xenoph. Hell. 7, 4, 36. Marmor quoddam, a Pouquevillio IV, p. 275 sq. editum, not docet, Tegeae gymnasium fuisse,

CAP. II.

DE REBUS SACRIS.

§. 1,

PAN. JUPITER. VESTA.

Nulla universae Graeciae pars soli natura dignior est, quae diligentius etiam atque etiam exploretur et cognoscatur, quam Arcadia. Altissimis montium jugis modo leviter modo praerupte in valles redeuntibus haec terra cingitur atque scinditur. Interjecta inter illa arva pratque, secunda fontibus, amnibus, lacubus, affluentibus aqua ineunti vere, arescentibus aestate, irrigantur. Nullius terrae facies et adspectus laetior esse potest. Hanc terram Arcades habitabant, rusticum hominum genus e Pelasgorum gente oriundum, inquilinis non mixti, quos *αἰρόχθονας* Graeci vocant, pastores sub Jove vitam degentes omnemque curam ac studium in gregibus ponentes. Jam quis est, qui nesciat, quantum orientia aut occidentia sidera in greges influant. Radiis solis in summis montibus hiemalis nix liquescit; fontes, quibus pascua virescunt hominesque et greges vigescunt, aqua

tument. Sol oriens lupos (λύκους) sub diluculum gregibus instantes in montium latebras abigit; vitae alacritas per omnem naturam solis radiis effunditur. Haec igitur potissimum divina solis vis pastorum animos ad eam sub dei nomine ac specie colendam permovit. Hinc antiquissimus apud Arcades Panis cultus (1), hinc postea ceteri fere omnes Arcadum cultus, qui ad lumina referuntur profecti sunt. Nemo igitur mirabitur, quod in Parthenio monte, ubi Philippidae Pana occurrisset tradunt Tegeatae (2), Panis fanum exstructum sit testudinesque, quibus saltus abundaret ad lyras compingendas accommodatissimae deo sacrae habitae easque attingi vetitum sit (3). Quantopere vero Arcades musicam amaverint, nemo facile non cognoverit (4). Ex hoc igitur testudinum cultu percipi potest, quam arcte vetustissimus ille Pan et cum Mercurio, qui primus e testudine lyram compegit et cum Appolline, qui lyram a Mercurio accepit, vi atque natura conjunctus sit. In honorem Panis Nomii etiam vicum Melpeam appellarunt Arcades (5). Alterum Panis templum juxta Jovis arborem, quercum, ad viam, quae Thyream ducebat, situm erat (6).

(1) Schwenk. Etymol. mythol. And. p. 213 Pana derivat a verbo γάνης, γάω, γαίνω. cf. Motty de Fauno et Fauna sive de Bona dea diss. cf. Creuzer Symb. III. p. 258.

(2) Paus. 8, 54, 5. cf. 1, 28, 4.

(3) 8, 54, 5. — (4) Polyb. — (5) Paus. 8, 38, 8.

(6) 8, 54, 3. — Anaglyphum marmoreum Tegeae a. 1834 repertum, barbatum, capripedem Pana, manibus syringem et pedum tenentem ostendit. cf. Ross Reisen im Pelop. p. 70. Archæol. Intelligenzbl. d. allg. Litt. Z. 1837 p. 38. Inscriptionis litterae valde sunt exesae attritaeque. cf. Ross Incr. gr. ined. fasc. I, 3.



Alia Panis forma eademve erat ille Arcadicus Jupiter (1). Hunc Jovem Pelasgicum in Arcadia natum quum Arcades affirmarent, nemo mirabatur, arae, quae in Minervae Aleae templo staret, Rheam et Oenoën nympham Jovem puerulum tenentes Jovisque nutrices, Glaucon, Nedam (2), Thisoam, Anthraciam, Idam, Hagnonem, Alcinoën. Phrixam insculptas fuisse (3).

Pani simillimum modo Lycaenum cognomento modo ipsius Lycaonis sub forma Jovem ab Arcadibus cultum esse scimus; permulta etiam Arcadica nomina hunc Jovem Lupercum memorant, veluti Lycaon, Lycoa, Lycomedes, Lycortas, Lycuria, Lycosura, Lyctus, Lycaotis, Lycurgus, Lycastus, Autolycus, Leucone, Apollo et Pan Lycaeus cet. Singularis vero Jovi Lycaeō dedicata erat aedes in via, quae Spartam ferebat (4). — In excelsiori urbis parte complures arae Jovi Clario sacrae stabant, ad quas festos dies Tegeatae quotannis agitabant (5). Cognomen illud denum a sortibus (ζληγορ) (6), quibus Arcas terram filiis dividerit, accepisse Pausanias affirmat. Mihi potius luminis virtus deo illi attribuenda videtur, quae quidem dei natura ex ipsa Pausaniae narratione (7) elucet, Lacedaemonios in Tegeatas ludos in Jo-

(1) Paus. 8, 30, 2 cf. 8, 38, 4.

(2) Neda a Callimacho hymn. in Jov. 33. Cretensium Jovis nutrix vocatur, quae puerum ex Arcadia Gnossam Cretae oppidum transtulerit..

(3) Paus. 8, 47, 2. Apud Pausaniam in Megalopolis descriptione 8, 31, 2, similis arae mentio fit, in qua Naidem nympham cum puerulo Jove nymphasque Anthraciam, Hagnonem, Archirroën, Myrtoëssam adstantes cerneret.

(4) Paus. 8, 53, 3. — (5) 8, 53, 4. cf. c. 1, §. 2. diss.

(6) Schwenk p. 111. — (7) Paus. 1. c.